

广东通志

广

东

通

志

廣東通志卷一百十二

甲子重刊

山川畧十三

瓊州府

山川

瓊山縣

抱珥山在城內道署西高三丈餘

府志

龍文山在府署後高三丈餘明知府林有祿培築

同上

蒼屹山在城南二里石峯屹立水流其下

黃志

其陰

有仙人洞又名紫霞洞

大清一統志

鴈塔峯在城南三里平岡一峯尖秀如筆水環其

下

同上

宋郡人姜唐佐始登第因名元至正間築鴈

塔亭於上明萬厯時豎三元碑於中峯故又名鴈

塔三元峯

郝志

赤石岡在城西南五里石多赤色

廣東輿圖

瓊崖嶺在城南十里卽古珠崖郡城址

大清一統志

平地起峯高百餘丈

郝志

靈山在城東南十五里舊名黑山俗名聖山自北來者渡海中洋卽見之喬木蔭翳上有神祠至爲

靈顯

大清一統志

潭龍嶺在城東北二十里登絕頂可望黎母諸山

廣東輿圖

其下有泉分兩臂並趨西南一泉中湧名曰

卓錫相傳宋僧和靖常卓錫於此

粵東名勝志



宋蘇軾詩少年好遠遊蕩志隘八荒九夷爲蕃維  
四海環我堂稍喜海南州自古無戰場奇峯望黎  
母何異嵩與邛飛泉瀉萬仞舞鶴  
雙低昂芋魁儻可飽無肉亦奚傷

鋪錦巖在城南三十里元蔡貞女九娘死節於此

又名鋪錦谷

廣東輿圖

順村嶺在城東南三十里平坡起峯元僧無我建

塔於上右爲龍盧峒

同上

西石山在城西四十里

縣志

一名馬鞍山上多石下

有洞可容數百人泉出清冽古傳有鼎石丹爐在

挺峯之下西隅石基乃鄉人所雨之所上有井與

海通

戴志

西南一里有遞蓮洞白石門入其中逕竇

委曲相通大小凡五洞上有一門透露天日

粵東名勝

志  
旁一黑洞無火不能入相傳深三十里  
清一統大

謹案西石山輿地紀勝謂之馬鞍山在五

原鄉石山村

虎村嶺在城西南五十里雷虎村一名雷虎山脈  
自西石山來又名波秋嶺南有鴉卜洞周里餘深  
數丈秋潦彌月不滿其水流爲西南湖

同上

扶山武德縣有扶山

隋書地理志

在城東南五十里道

書以爲第二十四福地又有巨潭流三十六曲以

達于江

明統志

山左有五嶺遞相擁護故名扶昔有

陶公開之故又名陶公山

通志

其西有蒼巡洞中有

二井

粵東名勝志

瓊山在城南六十里

大清一統志

瓊山縣有瓊山九域

志

圖經云瓊之取義蓋瓊山縣奉化鄉有瓊山白

玉二村土石皆白似玉而潤種蘋其上特美所產

檳榔尤佳其石如瓊瑤耳

輿地紀勝

明邱濬詩環海三千里珠崖第一山名馳四海內秀出萬峯間月下森瑤簡風前振珮環孤高猶潤

澤蠟屐未容攀

雲露山在城西南六十里高百餘丈

縣志

中有三潭

上潭林木陰森人不敢近其次二潭有小石如橄

欖有竅可穿俗名橄欖珠歲旱禱雨多應

輿地紀勝

東石山在城東南七十里一名美雨嶺四畔平原



中突一峯狀若交椅又十里有髻山

一統志 大清

上有巨人跡俗傳仙遊於此

戴志

那射山在城東南

縣志

在瓊山縣之豐義鄉其人以

射獵爲生

輿地紀勝

龍堆山在城東南八十里那村都

故又名那射山分爲二山者誤

一統志

山下有

息石初甚小歲久漸大鄉人祀以爲神

黃志

石鼓嶺卽南岐嶺在城西南一百六十里中有大

石盤圍十丈許上有小石扣之其聲如鼓

戴志

盤塔嶺在南岐嶺南上有十三峯下有溫泉又山

頂有涅槃塔

廣東輿圖

龍廊洞在瓊山縣西石巖都東南一里洞路崎嶇



由西南入深二十丈旁有小洞十二可容數百人

大清一統志

白石水泡嶺在縣西南一百八十里諸峯環抱南

有白石石下湧泉若湯沸起

戴志

黎峒明萬厯中兵備林如楚圖說瓊島東西六百餘里南北幾九百里瓊州南五百里崖州北三百里爲五指山東出風門嶺爲萬州東南出小五指爲陵水西南出小五指爲崖州爲感恩西出峨顯沙鍋諸嶺爲昌化爲儋州迤邐而北爲臨高爲澄邁爲瓊山北出鐵砧黎婺諸嶺爲定安爲文昌支分爲樂會會同環迴加崙水蕉爲水會城今十字

路已丁矣惟五指而南抵崖州一路未開其中草  
聘喃春磨菜草提合勞諸黎雖新招納糧向化而  
南愷南嘯磨草磨贊番銃降文磨噉與崖之凡陽  
諸岐峒絡繹二百餘里皆人力所不至之地新通  
志瓊山村峒凡一百二十有五澄邁村峒凡一百  
三十有七臨高村峒凡二百三十有九定安村峒  
凡一百十二文昌村峒凡三十五樂會村峒凡五  
十三儋州村峒凡二百有九昌化村峒凡三十三  
萬州村峒凡九十三陵水村峒凡三十崖州村峒  
凡九十二感恩村峒凡四十一

大清一統志

謹案生黎熟黎所居之峒分隸四部今附

載於瓊州府諸山之後

澄邁縣

邁山在澄邁縣東

縣志

隋澄邁縣以界內邁山爲名

寰宇記

縣有澄邁山

九域志

通志縣東十五里曰獨株

山突起一峯若樹株然卽古澄邁山也新志獨株

山在縣東十里圓潔如珠下有泉名滴珠泉自獨

株東折而南爲邁山山勢雄峻下有泉名七里泉

久旱不涸隋名縣以澄江邁山同在境內故名之

澄邁今日澄邁山似誤

一統志 大清

明姚復素獨株山詩危巒孤聳碧空間五指擎來

鎮百靈嶠若蒼龍初出海團如玉兔半銜山雨餘

忽訝清泉湧雲從猶疑合浦還我欲凌空揮八極



謹案方輿紀要粵東名勝志及黃志俱以  
澄邁山卽獨株山又查廣東輿圖及郝志  
獨株並作獨珠皆誤

大勝嶺在城西十里漢伏波將軍屯兵于此征蠻  
得勝故名

黃志

萬歲岡在城西十里頂有怪石高丈餘形如列屏  
號爲聖石將雨則雲霧滃塞下有清泉

輿地紀勝

謹案萬歲岡

大清一統志云與大勝嶺相屬

佛社嶺在城南十五里上有神祠下有清泉雖旱

不竭

廣東輿圖



夏社嶺在城西南十五里兩峯連翠季夏祭社於此因名

社仁嶺在城東南二十里鄉人立五土神祠於上

俱同上

石礪嶺在縣西二十里高聳有烽堠

戴志

石龜崙在城西三十里奇石如龜形潤則旱乾則

雨

郝志

文裔山在縣南三十里中有泉俗呼龍井

同龍井上

出其陽三峯在其陰平原中連峙亦曰三峯嶺

通志

下有泉五穴昔人琢石爲五龍頭水從龍口噴出

名龍泉

縣志

廣東通志卷一百一十二  
六  
三百二十三  
幹峯在城南三十里土名崑烈嶺同上

昌通嶺在幹峯分支南行里許穿田突起此峯最

爲圓淨府志

青山嶺在城東南三十里上有巨石石附以神像

禱雨輒應廣市水輿圖

雲賓谷在城西三十里海濱大清一統志山腴地幽

泉甘木茂爲隱處之勝方輿紀要昔有處士吳濬隱此

郝志又名迎賓谷縣志

三峯嶺在城南三十里三峯聳列如三台然府志

嵩嶺在城西四十里縣志

寶河嶺在城南五十里脈自那羊嶺蜿蜒數十里

來蘊結於此頂上突成小七星登嶺眺望一邑山

川秀若列眉

西岸嶺在城西五十里四面山巖圍繞下有泉極

清冽

眠狗嶺在城南五十里以形似名又名羣石嶺

俱同

上中間巨石磷磷四面溝渠環繞洵為勝概

郝志

合嶺在縣東南六十里與瓊山縣接界江水流經

其中

一統志 大清

明唐綰詩山勢來相合周圍枕碧灣瓊澄分兩界  
天地設重關魚鳥從飛躍舟航自往還大江流日  
夜千載障狂闕

北畔嶺在城西南六十里高三丈

郝志

明時嘗議遷



縣治於此

大清一統志

北地嶺在北畔嶺迤東

郝志

那羊嶺在城西六十里係臨澄交界

同上

麻山嶺在城南六十里高十丈又連互有牽牛嶺

高五丈

廣東輿圖

北雲嶺在城西南七十里石爲屏翰溝爲環繞

中間層級登若升階

縣志

石鼓嶺在城東南七十里上有二石並峙扣之若

鼓聲聞數里許

方輿紀要

眠牀嶺在城南一百二十里平岡如牀故名

廣東輿圖

居托嶺在城西南一百二十里旁有筆架嶺高十

丈形如筆架

同上

白石嶺在城西南一百二十里上產白石故名

廣東

興頂有深潭泉白石峯而下久旱石黑必雨

大清

一統志

宋白玉蟾遊白石嶺歌昔年曾上白石峯曉汲丹井  
奉芙蓉壇前星斗光燦燦凌空坐可摩飛鴻劉  
郎重到幽都觀東風不改桃花紅誰向陰崖結虛  
竇石鯨飲潤水龍濕流泉疊磴發天闕野蔓叢  
萋自蒙密忽然飛雨來半空不知林外猶殘日引  
身東望滄海田谷神洞口雲綿綿琅玕珊瑚遠莫  
致且鉏笋蕨烹春鮮此中佳趣不可傳我欲矯首  
問計然吳越興亡跡如掃山色依依青未了何年  
金鼎出空山雞犬餘丹能却老短衣射虎自有  
人共著青鞋拾瑶草

佃當嶺與白石嶺相接中有二石一挺一覆

郝志相

傳有金雞鳴於上

府志

又旁有羣佃嶺通臨高界下